

gonum, Portugallia, Granata & Navarra. Partiuntur autem nova distributione totum Imperium in tria regna, Aragonia scilicet, Castilia & Portugallia. Sub Aragonensi regno comprehenditur, præter Aragoniam, *Catalonia*, *Valentia*, *Majorica*, *Minorica*. Sub regno Castilia comprehenditur *Biscaia*, *Leon*, *Asturia*, *Galecia*, *Estremadura*, *Andalusia*, *Granata*, *Murcia*, *Urraque Castilia*, cum accessione Canariarum Insularum. Sub regno Portugallia comprehenditur, præter Portugalliam, *Algarbia*. Urbes in toto regno pene sunt innumeræ. Inter eas præcipuæ, *Hispalis*, *Madritum*, *Tarraco*, *Lisbona*, *Granata*, *Pampilona*, *Valentia*, *Barcino* vulgo *Barzelona*, *Legio* v i i Germanica nunc *Leon*, *S. Lucar*, *Corduba*, *Nebrissa*, *Compostella*, *Toletum*, *Salamanica*, *Complutum*, *Puntia*, *Cæsar-Augusta* nunc *Saragossa*, *Asturica Augusta*, aliæque plurimæ. Sunt hic Lacus admirabiles. Prope opidum *Beiaram* Lacus est non utilis minus quam admirabilis; qui & Turtures, pisces subnigros & excellentes, gignit, & futuram pluviam turbinemque, teste *Marinæo* Siculo, magno aëris sonitu prænunciat; adeo ut ejus murmur quasi Tauri mugitus sæpenumero ad duodeviginti millia pass. fuerit auditum. In summo *Montis Stella* cacumine Lacus quidam est, scribente *Vasæo*, in quo fragmenta navium subinde reperiuntur, quum tamen a mari plus x i i leucis absit: quin quod exæstuet & tempestates ibi audiantur, adfirmare Incolas, quoties intumescit mare, idem notat. In Cantabria Lacum fulmen decidisse, & repertas duodecim Secures, ait in Galbæ vita diligentissimus scriptor *Suetonius*. *Amenum Stagnum* est apud *Plinium* lib. i i i natur. histor. cap. i i i, haud procul *Valentia*: hodie *Albufera*. Sequuntur Flumina. Hispania multis passim irrigatur Fluvii. Sunt qui centum & quinquaginta numerant, & in iis Pontes ultra septingentos, inter quos nobilissimi *Segovia* & *Alcantara*. Alii aliis sunt nobiliores. *Iberus* *Ptolemæo*, *Ebro* hodie, erumpit apud Cantabros ex *Idubeda* Monte, duobus Fontibus quorum dexter in saltu *Aucensi* (*Monte d' Oca*) sinister ad opidum, quod incolis *Fuentibre*. Inde magnis crescens amnibus, primo *Calaguritanis* exceptus arvis (*Calahorra*) *Iuliobrigam* & *Tubellam* petit, *Navarra* opida; *Iuliam*que & *Celsam*, inde *Cæsar-Augustam* alluit. Illinc digressus in Austrum, & mox versus Euronotum labitur per *Laletania* populos, qui nunc *Catalani*, & *Dertusam* opulentam urbem præterlabitur. Postremo plurimis fluviiis actus, peracto quadringentorum sexaginta mill. pass. cursu, in Mediterraneum, cognomine ipsi, *Pelagus* ram violenter duobus Ostiis ingreditur, ut l. passus in mare profusus dulcis hauriatur. *Durius* maximus (concurrentibus in eum tot amnibus quos enumerare longum esset) Hispania fluvius ex *Idubeda*, ubi nomen illi *Sierra de Cogolo* scaturiens, *Vectones* ab *Asturibus*, *Lusitanos* ab *Gallæcis* Veteribus determinat. *Turrem Sullanam* (*Tordesillas*) *Salabrim*, *Mirandam* & olia opida contemplatus, decimo quinto fere infra *Lamecam* milliari, apud opidum Portugallia, quod *Porus* dicitur, rapidissimo cursu, Occidentali se miscet Oceano: *Doris*, *Ptolemæo*; *Durias* *Straboni*; *Duero* hodie. *Tagus*, *Ptolemæo* ceterisque, nascitur in altissimis *Orospeða* jugis, stadiis quinquaginta ab Opido parvo, cui nomen *Tragacet*, haud procul ab urbe *Concia* nunc *Cuença*. Per *Carpetanos* lapsus *Toletum*, Regalem urbem, petit, ponteque accepto, *Talaveram*, *Augustobrigam*, *Alcantara* aliaque urbes non ignobiles alluens, mediam fere secans Portugalliam, ultra *Olisipponam* in Occiduum se exonerat